



Broj: 01-81/17
Vareš, 30.03. 2017. godine

Na osnovu člana 3. i 28. Zakona o budžetima/proračunima u Federaciji Bosne i Hercegovine („Službene novine Federacije BiH“, br. 102/13, 9/14, 13/14, 8/15, 91/15, 102/15 i 104/16) i Pravilnika o utvrđivanju i načinu vođenja registra budžetskih/proračunskih korisnika („Službene novine Federacije BiH“ br. 30/14), i član 22. tačka 2. Statuta Općine Vareš, broj: 01-162/12 od 11.09.2012. godine (prečišćeni tekst), Općinsko vijeće Vareš na 5. sjednici održanoj dana 30.03.2017. godine, donosi:

ODLUKU
o uspostavi registra budžetskih/proračunskih korisnika Općine Vareš

Član 1.

Ovom Odlukom utvrđuje se način uspostave Registra budžetskih/proračunskih korisnika (u daljem tekstu Registar), kriterij za definisanje budžetskih/proračunskih korisnika, način upisa u Registar, način brisanja iz Registra, obavezni elementi Registra, obaveze i odgovornosti za vođenje Registra.

Član 2.

Registar se uspostavlja u Službi za privredu, finansije i trezor (u daljem tekstu: Služba), koja je obavezna da isti sačini, vodi i ažurira.

Služba je obavezna da vodi Registar i odgovorna je za uspostavu registra, kao i ispravnost, ažurnost i tačnost svih podataka unesenih u Registar

Član 3.

Osnovni kriterij za definisanje budžetskih/proračunskih korisnika je Odluka o organizaciji Jedinstvenog općinskog organa uprave i Stručne službe Općinskog vijeća Vareš i kriterijumi sadržani u članu 4. Pravilnika o utvrđivanju i načinu vođenja registra budžetskih/proračunskih korisnika budžeta/proračuna u Federaciji Bosne i Hercegovine („Službene novine Federacije BiH“ br. 30/14).

Član 4.

Budžetski korisnici, koji će biti upisani u registar, nakon stupanja na snagu ove odluke su Jedinstveni općinski organ uprave i javne ustanove.

Član 5.

Registar budžetskih korisnika sadrži podatke navedene u obrascu RBK, propisane Pravilnikom.

Član 6.

Za realizaciju ove Odluke zadužuje se Općinski načelnik i Služba za privredu, finansije i trezor.

Član 7.

Rok za uspostavu Registra u skladu sa ovom Odlukom je 30 dana od dana stupanja na snagu ove Odluke.

Član 8.

Ova Odluka stupa na snagu narednog dana od dana objavljivanja na oglasnoj tabli Općine Vareš.

**PREDSJEDAVAJUĆI
OPĆINSKOG VIJEĆA**

Kenan Kamenjaš

OBRAZLOŽENJE

1. PRAVNI OSNOV

Pravni osnov za donošenje Odluke o uspostavi registra budžetkih/proračunskih korisnika Općine Vareš sadržan je u odredbama člana. 3 i 28. Zakona o budžetima/proračunima u Federaciji Bosne i Hercegovine („Službene novine Federacije BiH“ br. 102/13, 9/14, 13/14, 8/15, 91/15, 102/15 i 104/16), koji glasi: „*Registar proračunskih korisnika uspostavlja i vodi ministarstvo financija, odnosno služba za financije, po propisanoj proračunskoj klasifikaciji sukladno propisu koji donosi Federalno ministarstvo financija (u daljnjem tekstu: Ministarstvo financija)*“ i „*Odredbe čl. 3. do 27. ovoga zakona shodno primjenjuju kantoni, gradovi, općine i izvanproračunski fondovi*“. Pravilnika o utvrđivanju i načinu vođenja registra budžetskih/proračunskih korisnika („Službene novine Federacija BiH“ br. 30/14), te člana 22. Statuta Općine Vareš, broj: 01-162/12 od 11.09.2012. godine (prečišćen tekst), koji glasi: „*donosi odluke i druge opće akte kojima uređuje pitanja iz samoupravnog djelokruga Općine Vareš*“.

2. RAZLOZI ZA DONOŠENJE

Razlog za donošenje Odluke o uspostavi registra budžetskih/proračunskih korisnika Općine Vareš, su sljedeći:

1. Vežan je za Akcioni plan, koji je potpisan 16.08.2016. godine između Općine Vareš i USAID Projekat reforme fiskalnog sektora u Bosni i Hercegovini (FAR),
2. Na osnovu Odluke o pokretanju aktivnosti za trezorsko/riznično poslovanje, usvojena na 4. sjednici Općinskog vijeća održanoj dana 28.02.2017. godine, broj: 01-48/17 od 28.02.2017. godine.

3. FINANSIJSKA/FINANCIJSKA SREDSTVA

Za realizaciju ove Odluke nisu potrebna sredstva, budući da su ista planirana budžetom/proračunom Općine Vareš za 2017. godinu.

Imajući naprijed navedeno, predlažem Općinskom vijeću da usvoji odluku u tekstu kakav je predložen.

OPĆINSKI NAČELNIK

Zdravko Marošević